

10.12.2015.

Udruženje poslodavaca u sklopu svojih programskih aktivnosti obilazi članice i identifikuje njihove probleme, te razgovora o trenutnim aktivnostima članica. Ovog puta bili smo u posjeti firmi „H-EXTRA“ d.o.o.

Razgovor vođen sa predstavnikom ove firme gosp.Dževadom Hubanićem.

Razgovor u ime Udruženja poslodavaca BPK Goražde vodio sekretar Udruženja Adnan Bukva:



Kakva je trenutna situacija u firmi „H-EXTRA“ d.o.o. i šta najviše opterećuje Vaše poslovanje?

Trenutna situacija u firmi "H-extra" d.o.o. je zadovoljavajuća, s obzirom na cjelokupnu društveno-političku i ekonomsku situaciju i u odnosu na predhodne godine koje su bile teže u poslovanju. Primjećujemo da je i kupovna moć stanovništva bolja, ali smatram da može uvijek bolje. Ova godina je protekla dosta dobro po pitanju obima posla. Želim napomenuti da je većina naših kupaca u jugoistočnoj Bosni, odnosno u ovom dijelu Republike Srpske i mislim da nije tih kupaca da bi samo područje BPK Goražde bilo nedovoljno za pozitivan finansijski rezultat.

Ono što najviše opterećuje naše poslovanje su velike stope doprinosa na plaće, te razne takse na istaknutu firmu, članarina turističkoj zajednici, općekorisne funkcije šuma, a ponajviše nam predstavljaju administrativne takse, jer imamo čestu potrebu za ovjerama kopija naših dokumenata.

Takođe, navodimo problem nedobijanja poticaja sa kantonalnog i federalnog nivoa, zbog neuvrštavanja naše djelatnosti u javne pozive i automatski se nemožemo prijaviti.



Jeste li zadovoljni sa poslovanjem u 2015.godini i kakva su Vam očekivanja u 2016.godini?

Zadovoljni smo poslovanjem u 2015.godini, a naši planovi u 2016.godini su proširenje asortimana naših proizvoda, odnosno naše ponude, a to se uglavnom odnosi na proširenje Ambiente.

Kakvi su Vaši prijedlozi za poboljšanje poslovnog ambijenta i uslova privređivanja?

Naši prijedlozi za poboljšanje ambijenta za poslovanje je rasterećenje privrede i svrstavanje nas malih ili sitnih poduzetnika u system da možemo aplicirati za neku vrstu podsticaja sa kantonalnog ili federalnog nivoa, jer bi nam mali iznos podsticaja dao vjetar u leđa da još bolje

radimo.

Napominjemo da nas niko od zvaničnika nikad nije posjetio od 2002.godine kada smo kupili i renovirali ovaj objekat.



Jeste li zadovoljni uslugama koje pruža Udruženje poslodavaca prema svojim članicama i koji bi bili vaši prijedlozi za poboljšanje usluga?

Zadovoljni smo sa radom Udruženja poslodavaca. Putem njega smo redovno informisani, jer inače na drugi način nedobijamo apsolutno nikakve informacije osim što nam Udruženje poslodavaca dostavi.

Smatramo da bi Udruženje poslodavaca trebalo iskoristiti svoje kapacitete kao legalna institucija koja predstavlja poslodavce da pokuša uticati na Vladu BPK Goražde i Ministarstvo za privredu BPK Goražde da rasterete privredu i da od slijedeće godine i drugi privredni subjekti koji nisu iz oblasti industrije ili građevinarstva kao što je to bio slučaj u ovoj godini imaju pravo na podsticaj i da se uvede neka praksa da kada neka firma dobije podsticaj da pauzira nekoliko godina dok nedobiju i ostale firme.

Na kraju želimo istaći činjenicu da smo 2002.godine ovaj objekat kupili od Vučevice od vlastitih sredstava i bez ičije pomoći te izvršili renoviranje i stavili ga u funkciju, jer je objekat bio u dosta lošem stanju.



Tehnička služba Udruženja poslodavaca BPK Goražde